



**Sulisartup sunniuteqarfiginngisaanik piffissami sivikitsumi tunisassiornermik unitsitsigallarneq pissutigalugu angerlartitaanermi suliffeqarnermi ikiorsiissutinik pissarsisinnaanerup annertusitinneqarnissaa, suliffeqarfinni sunngaluartuniluunniit sulianut sugaluartaunulluunniit atuutsinneqalernissaa anguniarlugu sulinermi ikiorsiissutit pillugit Inatsisartut inatsisaata nr. 2 majip 15-ianeersup 2014 allangortinneqarnissaa kingusinnerpaamik UPA2020-imi siunnersuuteqaqqullugit Naalackersuisut peqquneqarnissaa Inatsisartut aaliangiiffigisassaattut siunnersuut.**

(Inatsisartunut ilaasortaq Doris Jakobsen, Siumut)

(Siullermeerneqarnera)

Demokraatini soqutiginnilluta siunnersuut misissorparput. Tamatta piffissami sivikinnerusumi siviuserusumiluunniit suliffissaaleqilersinnaavugut. Taamatut pisoqartillugu pingaaruteqarpoq suliffeqarnermi ikiorsiisarfirmik peqarnissarput eqqortumik inunnik eqqorneqartunik ikiuisinnaasumik.

Demokraatinulli pingaaruteqarpoq inatsimmi anguniagaajuassammat suliffissaaruttut piarnerpaamik sulilerseqqinneqarnissaanut periarfissaqarnissaat. Pingaarnertut isumaqarpugut ullutsinni periutsit tamakkiisuunngitsut. Assersuutigalugu isumaqarpugut pitsaasuunngitsaq inoqarmat sulerusunnigtsunik sulineq imminut akilersinnaangimmat. Taamaattumik isumaqarpugut pingaaruteqartoq pingaartillugu aalajangertariaqartugut anguniarlugu sulinerup ilinniarnerrulluunniit pilerinartuunissaa pisortanit pilersorneqarnermut naleqqiullugu.

Tamanna tunngavigalugu isumaqarpugut Naalackersuisut allangguutissatut siunnersuutaata suliarinera ataatsimiititaliami nanginneqartariaqartoq aamma kaammattuutigissuarput siunissami pineqartoq anguniarneqartuartaqartoq.

Taamatut oqaaseqarluta siunnersuutaqqaartup itigartinneqarnissaa inassutigaarput Naalackersuisullu allangguutissatut siunnersuutaat Inuutissarsiornermut Ataatsimiititaliami nangillugu suliareqqinneqassasoq.